

ՀԱՅՐԱԳՈՅՆ ՊԱՏՐԻԱՐԽ

ՎԼԻԽԿՈՍ ԱՄԵՆԱՅՆ ՀԱՅՈՑ

PATRIARCHE SUPREME
CATHOLICOS DE TOUS LES ARMÉNIENS

Ձերդ Սրբութիւն

Իլիա Բ Պատրիարք-Կաթողիկոս

Համայն Վրաց Օրթոդոքս Եկեղեցւոյ

Սիրեցեալ եղբայր ի Քրիստոս,

Հոգեկան գերագոյն ուրախութեամբ ողջունում եմ Ձերդ սիրեցեալ եղբայրութեանը, երբ այսպէս իմ կեանքում առաջին անգամ լինելով ես գտնում եմ Վրաստանի օրհնեալ հողի վրայ եւ առաջին հերթին ողջագործւում եմ իմ հոգեւոր եղբօր հետ Վրացական հայրենիքում:

Բնականօրէն Մենք յիշում ենք այն պահերը, երբ եղել ենք միասին, աղօթել ենք միասին, խօսել ենք միասին, քայց այդ եղել է օտար երկրներում եւ տարբեր պայմանների ու պարագաների ներքոյ: Ամենայն Հայոց Կաթողիկոս ընտրուելուց յետոյ սա մեր անդրանիկ հանդիպումն է, մեր առաջին պաշտօնական այցելութիւնը, որ վստահաբար առաւել եւս պիտի սերտացնի մեր թե՛ անձնական, եւ թե՛ պաշտօնական յարաբերութիւնները եւ պիտի առաջ տանի մեր երկու եկեղեցիների գործակցութեան դարաւոր ընթացքը:

Ես շատ եմ կարդացել Վրաստանի, Վրաց Օրթոդոքս Եկեղեցւոյ եւ Վրաստանում ապրած եւ ապրող հայ ժողովրդի պատմութեան մասին: Բայց ուրիշ իմաստ եւ առաւել քաղցր համ ունի անձամբ գտնուել Վրաստանում եւ սեփական աչքերով տեսնել այն երկիրը, որ այս կովկասեան տարածաշրջանում Հայաստանի հետ միասին եղել է քրիստոնէական ուղղափառ հաւատքի թատերավայր, որտեղ կատարուել են Քրիստոսի քարոզած գաղափարներից, բարոյական սկզբունքներից եւ հոգեւոր արժէքներից ներշնչուած սքանչելի

գործեր, որտեղ Ս. Աւետարանը ապրուել է կենդանի հաւատքով եւ օրինակելի հաւատարմութեամբ, մինչեւ իսկ նահատակութեան, արեւան վկայութեան աստիճանով:

Մենք քաջատեղեակ ենք, թէ ինչքա՛ն խոր եղբայրական սիրով Ձերոյ Սրբութիւնը կապուած էր մեր երջանկայիշատակ նախորդի՝ Տ. Տ. Վազգէն Ա. անմոռանալի կաթողիկոսին, որի հետ Ձեր փոխադարձ այցելութիւնները միշտ եղան եղբայրութեան պերճախօս վկայութիւններ, որոնց վերջինը եղաւ Ձեր անձամբ ներկայութիւնը նրա վախճանման եւ թաղման արարողութեան ի Ս. Լէջմիածին, որպէս սիրոյ եւ յարգանքի գեղեցիկ արտայայտութիւն:

Խորապէս շնորհակալ ենք նաեւ որ Մեր կաթողիկոսական ընտրութեան եւ գահակալութեան առիթով Ձեր ներկայութիւնը զգացինք Մեր կողքին Ձեր ուղարկած պատգամաւոր Դանիէլ Սրբազանին եւ Ձեր շնորհատրական բարի մաղթանքների եւ սրտազգած աղօթքների միջից:

Սիրեցեալ եղբայր ի Քրիստոս,

Մեր երկու ժողովուրդները եւ երկու եկեղեցիները իրեաց 1700-ամեայ կեանքը այս տարածաշրջանում ապրել են միշտ լինելով իրարու հաղորդակից, իրարից անբաժան, հասարակաց նոյն պայմանների եւ կացութիւնների դիմաց՝ ճակատագրակից:

Ներկայումս, այս ողջ տարածաշրջանում տեղի ունեցաւ արմատական փոփոխութիւնների հետեւանքով նոր կացութիւնների առաջ եկեց գտնում: Ազատ, անկախ, ինքնիշխան պետութիւն են դարձել Վրաստանն ու Հայաստանը: Այսօր որպէս հարեւան երկրներ, բարեկամական, եղբայրական փոխյարաբերութիւնների անհրաժեշտութիւնը ամենօրեայ հաց, վէս կենսական է մեզ համար: Պատմութեան մէջ եղել են պահեր, երբ ուրեքն էլ ենք որոշ տարակարծութիւններ, դիմագրաւել ենք ներքին դժուարութիւններ, բայց տիրապետող գիծը եղել է միշտ սերտ լծակցութիւնը մեր երկու երկրների եւ եկեղեցիների միջեւ: Եւ պատմութիւնը վկայ՝ միշտ եւ երկուստեւ, ամէլ ենք, երբ եղել ենք միասնական: Մեր ժողովրդի համար Վրաստանը յիշու է եղել

օտար երկիր: Մեր ժողովուրդը ապրել է եւ ապրում է այս երկրում որպէս իր սեփական տանը, իր եկեղեցիներով, իր դպրոցներով, իր մշակոյթով, իր ընկերային սովորութիւններով ու բարքերով: Իր քրտինքն է խառնել այս հարազատ հողին, իր պատմութիւնն է միաշաղախել Վրաստանի պատմութեան հետ:

Հայց. Առաքելական Եկեղեցին եւ Վրաստանի Օրթոդոքս Եկեղեցին՝ քրիստոնէական սիրոյ, միութեան եւ եղբայրութեան սկզբունքներից առաջնորդուած՝ ոսկի կամուրջ են մեր երկու երկրների եւ ժողովուրդների կեանքերը իրար միացնող:

Աժա այս զգացումներով եւ էկիմենական ոգով յատկանշուած եւ զարգացող այս դարի համաշխարհային եկեղեցական կեանքում, մենք կոչուած ենք աւելի գործնական եւ տեսանելի արտայայտութիւն տալ մեր եղբայրութեան եւ համերաշխութեան, որպէսզի կարենանք կենդանարար ազդեցութիւն ունենալ մեր ժողովուրդների հոգեւոր-բարոյական եւ ազգային կեանքի առողջ եւ կենսունակ ու ստեղծարար յառաջխաղացքին մէջ: Յովհաննէս Աւետարանչի ԺԷ գլուխի ներշնչող ոգին, միութեան հրամայականը թող արձագանք գտնի մեր այսօրուայ հասարակաց կեանքում. «Հայր սուրբ, պահեա զնոսա յանուն քո, որով ետուրն ինձ, զի եղիցին մի, որպէս եւ մէք մի ենք» (Յովհ. ԺԷ 11):

Թող Բարձրեալն Աստուած խաղաղ եւ անասան պահէ Հայաստանը ու Վրաստանը բարեկամական լծակցութեամբ, փոխադարձ սիրով եւ ընդհանրական շահերի բարձր գիտակցութեամբ ի փառս Աստուծոյ եւ ի պատիւ հայոց եւ վրաց պատուական ժողովուրդների:

Մամք եղբայրական սիրոյ քաղցր ողջունի՝

ԳԱՐԵԳԻՆ Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ